

Borang diedar untuk menteri tahun ini

Oleh ZAINAL A.

PULAU PINANG, Ahad — Semua kakitangan kerajaan, termasuk menteri dan ketua-ketua jabatan akan diwajibkan mengisytiharkan harta mereka seberapa segera tahun ini, demikian kata Timbalan Menteri Penerangan, Datuk Haji Embong Yahya.

"Langkah ini bertujuan memastikan kakitangan kerajaan dan menteri sentiasa bersih dari rasuah di samping memberi khidmat dengan licin kepada rakyat," katanya.

Bellau berkata, soal ini pernah disebut oleh Perdana Menteri, Datuk Seri Dr. Mahathir Mohamad dan Timbalan Perdana Menteri, Datuk Musa Hitam.

Menurutnya, borang khas akan diedarkan kepada semua kakitangan kerajaan termasuk menteri dan ketua-ketua jabatan untuk mendapatkan butir-butir tentang latar belakang kedudukan mereka.

Datuk Haji Embong berkata di sini hari ini, antara butir-butir yang mesti dicatatkan dalam borang tersebut termasuk mengisytihar jumlah harta dan butir-butir tentang keluarga mereka.

Katanya, langkah tersebut selaras dengan kehendak rakyat yang mahukan kesemua kakitangan Kerajaan memberi khidmat dengan penuh cemerlang, jujur dan berdisiplin.

Kakitangan Kerajaan yang tidak terlibat dalam rasuah tidak perlu bimbang dengan langkah tegas yang akan dilancarkan oleh Kerajaan itu, katanya.

Kerajaan tidak akan bertindak terhadap mereka yang dapat mengumpul harta menerusi usaha mereka sendiri tanpa kegiatan rasuah.

Bellau berharap langkah tersebut akan mendapat sokongan dan kerjasama dari rakyat seluruhnya.

Katanya, tindakan itu bukan bertujuan hendak menyusahkan ketua-ketua jabatan Kerajaan tetapi sebaliknya untuk melincinkan lagi pentadbiran Kerajaan supaya lebih berdisiplin dan cekap.

Mengenai pilihanraya umum, Datuk Haji Embong berkata, UMNO telah bersiap sedia jenteranya untuk menghadapi pilihanraya tersebut.